

لغز اختفاء جامايكا | #كلمات_التراويح | د. حازم شومان

حازم شومان

السلام عليكم ورحمة الله وبركاته. الحمد لله وكفى وصلاة وسلاما على عباده الذين اصطفى. اللهم لك الحمد قل له ولك الملك كله وبيدك الخير كله واليك يرجع الامر كله. اللهم صل على عبدك ونبيك محمد صلى الله عليه وسلم. في الاولين والآخرين وفي -

00:00:00

كل وقت وحين سمعتم اللي احنا سمعناه يا جماعة ولا احنا سمعنا اللي انتم سمعتموه كلام الله سبحانه وتعالى. مين فينا ما كانش عايز القرآن يتوقف مين فينا مشتاق للاربع ركعات اللي جايين؟ مين فينا شرخ قلبه كلمة الملايكة؟ ونحن نسبح بحمدك ونقدس لك.

الله اكبر. حس الدين - 00:00:30

الدنيا كلها بقت طاهرة. الدنيا كلها نورت وانت بتسمع الكلمة دي. مين فينا رشق في قلبه قول الله سبحانه وتعالى اني جاعل في

الارض خليفة. انا يا رب مين فينا الم قلبه وعصر الالم في صدره؟ قول الله سبحانه وتعالى فاخرجهما مما كان فيه - 00:00:50

بدأ يحس احنا ايه اللي جابنا هنا؟ احنا كنا في الجنة يا رب. هي الزنوب ايه اللي خرجنا من الجنة بس وايه اللي جابنا في دار البلاء

دي ؟ بعضكم لبعض عدو. مين فينا - 00:01:10

عاش مع كلام ربنا وجمال كلام ربنا. مين فينا توسل لله في السجود ان ربنا يبارك له في صلاة التراويح. وان ربنا يفتح على قلبه في

الخشوع في القرآن. وان ربنا لان اوعى تفتكر ان مكدة. اوعى تفتكر انك هتخشع في صلاة التراويح. ما فيش حد فينا مستعد يا

اخواننا. والله هو ده - 00:01:20

الخلاصة وده الكلام اللي من الآخر. والله ما في ولا واحد فينا ولا واحدة فينا مستعد لرمضان. ولا مستعد لصلاة التراويح. ولا مستعد

انه يقف بين ايدين ربنا احنا جايين غلابة جايين مكسورين جايين كل زاتنا عشان نعيش رمضان صح ان احنا نتوسل الى الله انه

يصلح لنا صلاتنا وانه يصلح لنا - 00:01:40

قيامنا وركوعنا وسجودنا وانه يصلح لنا حتى حتى التكبيرات بتاعة الصلاة. وانه يفتح على قلوبنا في تلاوة القرآن في تلاوة كتاب

اخواني واحبابي في الله الواحد اول ما سمع كلمة الله اكبر في اذان المغرب حسيت ان ابواب الجنة التمانية اتفتحت بجد. وان ابواب

النار السبعة يقينا اتقفلت - 00:02:00

دلوقتي وان الدنيا بتبخ نفحات. وان السما بتمطر شيكات على بياض. الدنيا بدأت تشتي شيكات على بياض. شيكات على بياض

بضمان رب العزة سبحانه وتعالى. اليقين في الله في كل ليلة دعوة مستجابة. يعني الليلة دي يا شيخ احمد شوقي دي ليلة العتق -

00:02:20

الليلة دي هي ليلة العتق باذن الله سبحانه وتعالى. اوعى تكون ما انتاش منشن على كده. تبقى غلبان والله. تبقى ما انتاش عارف انت

بتتعامل مع مين ولا انت عارف يعني ايه - 00:02:40

رمضان الليلة دي باذن الله اللهم اعتق رقابنا من النار. قال رسول الله صلى الله عليه وسلم انزلت صحف ابراهيم في اول الليلة من

رمضان. يعني زي الوقت كده نزلت صحف خليل الرحمن ابراهيم. يعني اول ليلة في رمضان فيها فتوحات زي اخر ليلة في رمضان.

يعني من اول - 00:02:50

كل ليلة في رمضان ممكن النور اللي هيجير حياتك كلها ييجي. ممكن تلميس قلبك مع القرآن اللي هيفرق في عمرك كله ييجي. بس

اوعى تاخذ رمضان بالدراع واوعى تاخذ رمضان بالاستعداد كل ده كنا بنقوله قبل رمضان. الوقتي يا رب بارك لنا في رمضان. بارك لنا

في ليل ونهاره. بارك - 00:03:10

لنا في فرائضه ونوافله بارك لنا في ساعاته وإيامه وبارك لنا في رمضان يا رب لان هي منك انت. والله ما بنا ولا احنا جاهزين ولا احنا نقدر نخشع في اية واحدة ولا في كلمة واحدة يا رب بارك لنا في سماع القرآن في رمضان وفي تلاوة القرآن في رمضان. عايزين

نعيش - 00:03:30

نصح يا اخوانا في كل ليلة دعوة مستجابة. دعيتها ولا لسة ؟ بدأت تدعي ولا لسة ؟ احنا دلوقتي في رمضان يا اخواني. عند كل فطر

دعوة مستجابة. في كل - 00:03:50

في يوم دعوة مستجابة وده ليل نهار ليل نهار. دعاء مستجاب اوعى تكون ما انتاش مجهز الادعية اللي هتدعيها لربنا. وما انتاش عارف هتدعي ربنا امتى. اوعى تكون دخل رمضان من غير خطة. الوقتي هتعرف هو كان الشيطان هو اللي بيخليك ما تخشعش ولا

انت الشيطان بتاع نفسك. الوقت هتعرف هو كان الشيطان اللي - 00:04:00

يقول لك عليك ليل طويل فارقد ويخليك ما تقومش الليل. ولا انت كنت الشيطان بتاع نفسك. الوقتي هتعرف مين السبب في احوالك قبل رمضان؟ عايزين نواجه رمضان بكلمة يا رب لان ما فيش قدامنا غيرها الوقتي. سر اختفاء جامايكا. طبعاً آآ يعني حسيت

النهاردة - 00:04:20

كده قاعد اسمع كلام غريب يا اخواني مش عارف نادي ايه بيقول لك ان آآ ان آآ يعني جامايكا بس يبعد عننا واحنا نكسب والمنتخب لما يحصل كله مشاكل بس جامايكا سير اختفاء ما عدش فيه جامايكا يا جماعة. نحن الان في رمضان الشياطين ومردة الجن

مسلسلة. الان ستعرف - 00:04:40

جيدا مين السبب؟ شياطين الجن ولا انت اللي كنت سبب في ارضاء نفسك؟ ولكن سبحانه الله العظيم اذا كانت شياطين الجن سلسلة فاذا كانت شياطين الجن سلسلت فشياطين الانس لم تسلسل. فيه مليون شيطان موجودين الوقتي في الامة في عشرة مليون -

00:05:00

الشيطان موجودين الوقتي في الامة مستنيين ان هم يقوموا بدور افطع من دور مرض الشياطين. التي سلسلت مستنيين لو عشر الاموال اللي بتنفق على ارم ايدول واكس فاكطور وارم كوت تالانت وزافويس وزافويس كانز لو عرش عشر الفلوس دي اتصرفت على

دعم - 00:05:20

الكفار الى الاسلام. الاسلام ممكن ينتشر في العالم كله. لو عشر الاموال اللي بينفقاها المسلمين على التدخين وعلى فساد السواريه

اتصرفت بس على الفقراء لن يبقى في الامة فقير. لو عشر المجهود اللي ببذله كثير من شباب الامة في - 00:05:40

معصية بذل في الدعوة الى الله لامتلأت الارض بالهدى. الشيطان يعني ممكن يكون فيه شياطين اتسلسلت وهي مرضت. الشياطين مش كل الشياطين. ولكن لا يزال هناك شياطين كثيرة تقوم بنفس المهمة في الاعلام. تقوم بنفس المهمة في الشوارع. تقوم بنفس

المهمة في افساد - 00:06:00

الامة الواحد بيفتكر النهاردة كده ابليس اول ما عرف ان فيه شهب حارقة بتقذف وبترجم الشياطين اللي بيطلعها تتصنت في سماء عشان تضل بني ادم بدأ يفهم القصة. يقينا فينا بجديد. انا قضيت عمري عشان اضل البشرية. انا فنيت عمري عشان الاوسان تعبد في

الكعبة - 00:06:20

انا بذلت مجهود جبار عشان النساء تحط الرايات الحمر على بيوتها. انا بذلت مجهود عشان اضيع الناس دي كلها بعيد عن ربنا. جمع الشياطين كلها جمع بتوع كلهم. اضربوا مشارق الارض ومغاريها. امسحوا لي الكرة الارضية من قبل ما يعملوا جوجل ارث. اعرفوني

في ايه؟ ايه السبب الكل جاي يقول له تمام - 00:06:43

يا باشا. كل حاجة تمام الشباب مغيب الحمد لله. والمخدرات في كل حطة. وقنوات الكليبات مسيطرة على عقول الناس. والبنات ماشية كاسيات عاريات في الشوارع كل حاجة تمام. انت خايف ليه؟ انت قلقان ليه؟ الدنيا كلها ماشية زي ما انت عايز. انت نايم ايه

؟ بيعت قوة كومانندو الصغيرة كده - 00:07:03

شياطين جنية صغيرة تضرب الجزيرة العربية تلاقي واحد واقف يبصلي وشه بيبخ نور تسمع كلام القرآن ايه ده! ده مش سحر احنا اللي بنعمل السحر. احنا اللي بنصنع السحر ده مش سحر. ده ده كلام تاني لا كلام بشر ولا كلام شياطين ولا كلام سحر. الكلام ده لا يخرج الا من عند الله - [00:07:23](#)

ويتحول الجنود الشيطانية الى جنود رحمانية. ويتحول الشياطين الى جنود رحمانية ويتحول الجمايكاك اللي الشيطان عاملها عشان تضلل بني ادم ويتحول جنود ابليس الى اعوان لمحمد ابن عبدالله عليه الصلاة والسلام. في نشر الهداية في الارض - [00:07:43](#)

تنقلب السحر على الساحر. عايزين رمضان ده يبقى كده يا جماعة. عايزين رمضان ده احنا كل زرة شر جوانا تنقلب خير. عايزين رمضان ده تبقى نشر توبة الى الله في الامة كلها. اوعى تكون داخل رمضان بنية نفسك بس. اوعى تكوني داخل رمضان بنية انا هاعبد ربنا وبس. ناس كتير اوي - [00:08:03](#)

محتاج رمضان في الامة. ناس كتير اوي على كلمة هداية وكلمة توبة وكلمة دعوة الى الله. رمضان وما ادراك ما رمضان! رمضان مودع! ما احناش عارفين الجو العظيم اللي احنا عايشين فيه ده ابواب الجنة الثمانية اللي مفتوحة واحنا قاعدين نتكلم مع بعض. ابواب الجنة مفتوحة. عارف يعني ايه ابواب الجنة مفتوحة؟ يعني المفروض ان انت تيجي تنام ما تعرفش تنام - [00:08:23](#)

شيكات ممضية على بياض قاعدة تشتي عليك. يعني المفروض ان انت ما ينفعش تخرج من رمضان وانت حياتك فيها مشاكل. ما ينفعش تخرج من رمضان وانت حياتك مليانة ابتلاءات. يعني المفروض كل نقطة في رمضان تغير لك حياتك. اعتكاف رمضان ممكن يغير لك حياتك. تلاوة - [00:08:43](#)

قال في رمضان تغير لك حياتك دعاء رمضان يغير لك حياتك. صيام رمضان يغير لك حياتك. المفروض ان انت كل نقطة في رمضان تغير لك حياتك فانت لازم تبقى داخل وانت عارف كويس جدا جدا خط سيرك في رمضان ايه؟ انا عايز اسأل يعني بعض اخواني اللي معي كده هو مين معه السواك يا جماعة؟ مين ماسك - [00:09:03](#)

السواك دلوقتي. مين بيستعمل سنة رسول الله صلى الله عليه وسلم؟ اصل هتبقى حاجة صعبة اوي. ان انت الاساسيات عندك بايزة وانت جاي تعلم دور العاشر في التراويح زي الناس اللي جاية على التراويح طب وصلاة العشاء حضرتك صلاة العشاء سوابها عند ربنا يعدل صلاة نصف الليل كأنك قعدت خمس ساعات تصلي - [00:09:23](#)

متواصل. صلاة الفجر اهم عند ربنا من صلاة التهجد. تعدل الليل كله. كأنك قعدت من العشاء للفجر تصلي قيام ليل متواصل. فلما تيجي تعمل بدء في رمضان لو سمحت ضربة البدء في رمضان هي صلاة الفريضة. ضربة البدء يبقى خطة رمضان عندنا ايه؟ خطة رمضان تتكون من نقط. النقطة الاولانية ضربة - [00:09:43](#)

البدء اللي هي صلاة الفريضة تكبيرة الاحرام في الفروض الخمسة. صلاة الجماعة في الفروض الخمسة. هي دي ضربة البدء. السنن الرواتب. اقامة اركان الفرائض الصيام بتاعك بالنهار تركز فيه. الصيام مش عبادة كده وخلص. ما باكلش واشرب وخلص الصيام اعمق من هذا. اللي ما خرجش الزكاة بتاعته يخرج - [00:10:03](#)

بتاعته يبقى سبت اعمل الفرائض الاول وهي دي ضربة البدء. فما تقرب عبدي الي بشيء احب الي مما افترضته عليه. الفرائض قائد احب حاجة تقربك الى الله في رمضان هي الفريضة. مش احب حاجة التراويح والتهجد. وتقوم الفريضة رقم واحد - [00:10:23](#)

النقطة الثانية في جدول رمضان هو ترتيب الاساسيات. اوعى تكون قاعد داخل رمضان تراويح يا ابني الاساسيات بتاعتك اخبارها ايه؟ تكبيرة الاحرام السواك عند كل صلاة اخباره ايه؟ صلاة الضحى اخبارها ايه؟ صلاة السنن الرواتب اخبارها ايه؟ اذكار الصباح والمساء - [00:10:43](#)

ولو زكرين اخبارك فيهم ايه؟ مين قال اذكار المساء كده يا جماعة؟ يرفع ايده في المسجد كده. يعني انت دلوقتي داخل رمضان. في اول ليلة ما قلتش اذكار المساء يعني انت ده المفروض دي بداية العدة اصلا. مين قال لك ان كل الشياطين مصفدة. مرضت الشياطين فقط التي تصفد. يعني انت داخل في اول الليل انا ما قلتش اذكار المساء. طب اذكار بعض - [00:11:03](#)

صلاة. مين يا اخوانا صلى سنة المغرب البعيدة؟ انا لسه ما صلتهاش. بس ان شاء الله نقضيها باذن الله سبحانه وتعالى. مين يا اخوانا

صلى سنة العشاء البعدية هو في ايه؟ امال انت داخل رمضان تعمل ايه؟ تراويح! هو هو هدم كده وخلص! الاساسيات يا اخوانا زبط ما هو ده اللي بيخليك - [00:11:23](#)

رمضان ما تخرجش بحاجة. لانك انت جيت في رمضان. عملت لي العنتريات وسبت الاساسيات. فتخرج بعد رمضان مش قادر على العنتريات. هو انت عندك المسجد مليان اخوة والائمة اللي بيقرأوا بصوت النبي والتشجيع والكلمات والدنيا ما عندكش بعد رمضان. تلاقي نفسك نزلت الارض نزلت الارض لان انت كنت على الارض - [00:11:43](#)

انت اصلا لان انت ما عندكش الاساسيات. يبقى اول خطة في رمضان هي ايه؟ ضربة البدء اللي هي اصلاح الفرائض. اصلاح الفرائض. ثاني خطوة في هي ايه؟ ها؟ تنظيم الاساسيات. عدوا لي كده خمس اساسيات. عدوا لي خمس خطوط حمرا. اذكار الصباح والمساء - [00:12:03](#)

او زكريا الازكار بعد الصلاة. جميل جدا. اذكار المناسبات. آآ الزكر قبل النوم والزكر بالصحيان وزكر دخول الخلاء. وزكر والله ده لها حاجات مهمة جدا يعني في ناس بقت بالنسبة لها وزكر الطعام وزكر بقول لاخ يا اخي انت تقول بسم الله قبل ما تشرب والحمد لله بعد ما تشرب وتشرب مش عارف ايه فبيبص لي كده - [00:12:23](#)

ويقول لي الكلام ده كان من يقول لي هو انت بتعمل الكلام ده ؟ فقلت فانا بصيت له باستغراب انا فعلا كنت باعمل الكلام ده في الوقت اللي قلت له عليه ده. فانا بصيت له باستغراب ما كنتش متخيل ان فيه حد اصلا ما بيعملش الكلام - [00:12:43](#)

مرت الايام والواحد عرف ان الاساسيات دي بتروح مننا ركعتين الضحى. الوتر طبعا انت في التراويح بتصليه. السنن الرواتب تكبيرة الاحرام البيئة فوري سماع نداء الملك ورد القرآن. لو ورد القرآن بتاعك كان ربع ولا حزب قبل رمضان ما عدش ينفع الكلام ده في رمضان طبعا. في المواسم الورد ما يقلش عن جزء ابد - [00:12:53](#)

تركيز وبخشوع يبقى الاساسيات. رقم ثلاثة في جدول رمضان هو ايه؟ ها؟ هو الانطلاقات الجماعية بقى. اللي هي صلاة التراويح. ايوة علي بقى حاجات يعني ايه الحاجات الجماعية؟ يعني خد بالك ما تقفليش بيتك على نفسك وتقول لي انا هنطلق في رمضان. يا ابني مش انت. هو انت منطلق قبل رمضان لوحدا! فاستسمر الجو الجماعي في - [00:13:13](#)

رمضان. رمضان فيه حاجات كثير جدا جماعية. صلاة التراويح بس تعال استفيد بقى ما تقفليش زي العمود اللي جنبك. اقف في صلاة التراويح واخشع. طب افرض ما خشعتش عيط ربنا يا رب صلح لي قلبي. يا رب انا مش حاسس. يا رب انا قلبي تايه في الصلاة. يا رب هات قلبك بالله. ما تجيبش قلبك بتركيزك انت بس. هات - [00:13:33](#)

بالله. يبقى صلاة التراويح ايه ثاني ؟ صلاة التهجد. صلاة التهجد فيه مساجد كثير جدا في المنصورة وفي كل مكان في الدنيا فيه صلاة تهجد. يبقى انت لو من نوع - [00:13:53](#)

ليه مش هتنام الساعتين دول ؟ انزل اتهدد بقى ما تضيعش وقتك. يعني لو انت نزام نومك مش قائم انك تنام الساعتين دول كل ليلة انزل تهجد. لو انت عندك - [00:14:03](#)

في ظروف طب ايه كمان؟ القوافل الخيرية. في صلاة التهجد هنا من اول الليلة الساعة كم؟ الساعة واحدة. الساعة واحدة اللهم بارك. جزاكم صباح الخير. ربنا يجزيكم كل خير. فيه صلاة تهجد هنا في المسجد رجال ونساء ولا رجال بس؟ بلاش النساء بقى. وكل حاجة اتساء. كمان يا شيخ - [00:14:13](#)

في سحور كمان الله اكبر لا يا عم ده سوبر ماجنام كومبو مش عارف ايه كده جامايبا سر اختفاء جامايبا يبقى في صلاة تهجد هنا الساعة واحدة للرجال والنساء بالسحور. فالمساجد بفضل الله الخير فيها كثير جدا جدا. فضل ومنة الله سبحانه وتعالى - [00:14:33](#)

اقتص الجو الجماعي لان اهم حاجة في رمضان الجو الجماعي. ان فيه اعانة انا ما اقدرش اصلي ساعتين قيام ليل انما انا هاقدر اربع ساعات كل ليلة في ساعتين تراويح وساعتين تهجد. فانا عندي وقت بفضل الله. عندك القوافل الخيرية في القافلة الجمعة الجاية وقافلة الجمعة اللي بعد بعدها. فضل ومنة الله. افطار الطريق السريع هتلاقي - [00:14:53](#)

الدنيا كلها نازلة تظفر. استسمر الجو الجميل. حضور الدروس الشيخ احمد جلال. عنده درس يومي في تفسير الجزء اللي هيتقرا في التراويح. هو كان قال لي كده انا واظن ان هو ان شاء الله بازن الله بالتأكد له درس سابت. العصر في مسجد القديم. استغل ده بقى. لان انت عزيمةك ضعيفة لوحدة. رمضان الجو جماعي يبقى - [00:15:13](#)

تالت نقطة الانطلاقات الجماعية اللي انت بتلاقي نفسك فيها متشال اصلا ما انتاش محتاج مجاهدة. انت عشان تصلي الساعتين بتوع التراويح دول لوحدة برة رمضان. هتطلع عينيك ما انتاش قادر ان انا جوة رمضان انت متشال بالجو الجماعي بفضل ومنة الله. النقطة الرابعة في الجدول وهي النقطة الرابعة في الجدول وهي - [00:15:33](#)

ايه ؟ المجاهدة مع الجزء بتاع القرآن بتاع اليوم. المجاهدة مع الجزء بتاع اليوم. انت عمال تسمع في صلاة التراويح مسلا هنا حزب والتهجد هتلاقيه حسبة وجزء. يبقى الجزء كله هيتغطى لك ما بين تراويح وتهجد. فيه مساجد تانية جزء كامل. المهم انت عندك جزء في اليوم. الجزء ده بقى اتجاهد معه. اجاهد معه اعمل ايه - [00:15:53](#)

انت بتصلي به في التراويح اختار كمان حاجة. اه ما انا باقرأه بالنهار اصلا تبع الورد بتاعي اصلا. رائع! اختار كمان حاجة. ايه هي الحاجة دي؟ يا اما تسمع قليلوا من قارئ انت بتحبه يا اما تسمع تفسيره من حد من اللي شرحوا الجزء يا اما لو انت راجل كنت شغال في التفسير قبل رمضان اصلا تقرا التفسير بتاع - [00:16:13](#)

ومن مختصر سريع للتفسير يبقى انت كده راجل ماشي في خطة يبقى انت راجل ماشي في خط سير. في خط سير ان شاء الله بازن الله بعد التراويح كل يوم - [00:16:33](#)

بازن الله انا هاعمل حاجة كده بس هي خمس دقائق او عشر دقائق على الفيس للي عايز يتابعها يعني عن خط السير في رمضان. ازاى تبقى عندك برنامج ويبقى عندك خطة يا جماعة - [00:16:43](#)

قاعددين نشحن وما بنتكلمش عن خط السير. وبتلاقي الناس تايهة وبتلاقي الشحن بيحجب احباط. لا. انا قلت لك الوقتي اربع خطوات لاستسمر رمضان والله لو انت عملتها هيبقى رمضان ده بالنسبة لك انت وهتعمل ميت حاجة غيرها. ولكن وانت باني على اساس ان شاء الله بازن الله. هنبقى هنا مع بعض بازن - [00:16:53](#)

كل ليلة في صلاة التراويح في سلسلة فاني قريب. عن اسماء الله الحسنى. ان شاء الله بازن الله عن اسماء الله الحسنى. هنبداً من اول بكرة بازن اللي هنتكلم تويتاية كده عشر دقائق اتناشر دقيقة. كل يوم ناخذ اسم كده بكرة ان شاء الله اسم الله الطيب. بازن الله. مسلا ناخذ اسم من الاسماء كده المسعر - [00:17:13](#)

الوتر الرفيق الاسماء اللي زي دي كده الاسماء اللي ايه؟ اللي هي نبدأ نشوف معناها ايه؟ العظيم القدوس. نشوف الاسم ايه بسرعة كده تويتات كده تويتات ايمانية كده. نشوف معنى الاسم نشوف اسقاط الاسم على الواقع بتاعنا. ان شاء الله الاسماء دي تاني بازن الله اللي ربنا اعنا - [00:17:33](#)

حد اتكلم عنها في دروس مطولة بعد كده زي ما عملنا قبل رمضان. بفترة ولكن يعني في رمضان نلتمس بركة الكلام عن الله. نلتمس بركة الكلام عن اسماء الله حسنى لعل ربنا يغير حياتنا كلها ببركة الكلام عن اسماء الله الحسنى. فان شاء الله من اول بكرة هنبداً في سلسلة فاني قريب. فاني قريب - [00:17:53](#)

قريب عن اسماء الله الحسنى ونبدأ غدا ان شاء الله باسم الله الطيب سبحانه وتعالى اسم من اسماء الله الحسنى اللي نتعبد بها لله وتغير علاقتنا يعني تماما مع الله ونعرف ربنا له الاسماء الحسنى فادعوه بها. اسألك بكل اسم هو لك لك انت هزه الاسماء ليست لاحد سواك - [00:18:13](#)

يا رب العالمين نبدأ نتعرف على الله. يبقى احنا بناخد اسماء حسنى والقرآن كده كده ليل نهار يبقى انت اعظم مصدريين للانارة في الحياة انت متوهج قلبك بهم ومتعرض لهم. السماع عن الله وسماع القرآن. يبقى انت كده يعني عايش ايه؟ عايش مع ربنا ومع الكلام اللي نزله ربنا - [00:18:33](#)

عايش مع مراد الله في القرآن ومع اسماء الله وصفاته سبحانه وتعالى. يمكن رمضان ده يبقى خطوة تقربنا من الله سبحانه وتعالى. ان

شاء الله بازن الله هيبقى فيه على - 00:18:53

قناة الرحمة في آآ يعني سلسلة بسيطة كده كل يوم بعد الفطار اسمها ريمونتادا. ما حدش يسألني يعني ايه ريمونتادا. لان يعني آآ يعني اللي عايز يعرفها بقى اي حاجة ريمونتي عن العودة والله بقى انت ايه يعني هي ريمونتادي وخلص يعني هي الكلمة جت فان شاء الله بازن الله هي سلسلة شبابية - 00:19:03

اصلا وعفية ويعني بتدعو للتوبة للي عايز يتابع ان شاء الله تبقى بعد الفطار من اول بكرة على قناة الرحمة. بازن الله نسأل الله

اخواني في الله ان رمضان ده يبقى - 00:19:23

دعوة الى الله ويتملى بالدعوة الى الله. صدقني والله العظيم. عمرك ما هتحس بالايمن اللي انت هتحسه وانت بتكلم الناس عن ربنا. عمرك ما هتحس بالايمن اللي انت تحس وانت خارج من التراويح كده وتلاقي اثنين شباب واقفين تقوم خابطهم كلمتين عن الله. وتكلمهم عن رمضان والفرصة الجبارة اللي في رمضان. والحقوا اقنصوا - 00:19:33

فرصة يا شباب عمرك ما هتحسي بالايمنيات اللي انت هتحسيها وانت شايلة مسئولية ان الناس تتوب وان البنات تتوب. وان النساء تتوب عايزين رمضان ده يبقى صلاح واصلاح عايزين علو الهمة يا جماعة. علو الهمة الغرب الغرب الذي لا يعرف الا طلع القمر وفلق الذرة وعمل الفيمتو سكن. وعمل - 00:19:53

تمسل تكنولوجيا وعمل حاجات جبارة. احنا عملنا ايه؟ احنا عايزين نتعبد لله بجد ان احنا نبقي رجاله في دين الله. فرمضان ده يبقى عبادة. ان شاء الله وتصحيح الفرائض تصحيح سليم كامل. ده حاسب نفسنا في حساب الملكين. السوابت الاساسية والخطوط الحمراء. انا كتبتها بالنسبة لي فارقة. انا عندي - 00:20:13

في ورقة كده على المكتب ورقة فيها الخطوط الحمراء الاساسية ليه؟ لان دي بتتنسي ودي هي البنية الاساسية لدينك صلح الاساسيات ثم علي. حاططها قدامي عشان ابص تاكل كل شوية انت عملت ايه النهاردة؟ ايه اللي فاتك اه انت لسة الازكار ما قلتهاش. انت لسة السواك نسيت تمسكه الصلاة اللي فاتت. طب يلا اقض السواك بقى عشان تتعود على مسكته - 00:20:33

ايدك كده وهكذا. النقطة الثالثة الانطلاقات الجماعية استثمروا الجو الجماعي في رمضان. الفطار ما عندكش ارتباط النهاردة يا عم اطلع على الطريق السريع يا عم خد السواب مع الشباب اللي زي الورد اللي خد يا عم مراتك وخذ ولادك واعملوا لكم شوية سندوتشات سخنة السندوتش قد كدهو قد كدهو بس وخط فيها شيخ محمد فهمي حنة - 00:20:53

نهاية كده محترمة من بتاعتكم كده الحاجات الجميلة دي. ها وتكون سخنة كده ومعها حنة بست ساقعة متلجة كده مشبرة. والله العظيم لو خمس تلاف كيس اتوزعوا على الراجل ده على الطريق السريع. اول ما هيشوف السندوتش الصغين اللي قده عقلتين الصايع السخن. وكيس البيست المشبر هيقوم رامي كل الاكياس وفطر على - 00:21:13

بتاعك انت. هيكلفك ايه الموضوع ده؟ مش هيكلفك حاجة. هيكلفك ايه يعني؟ يعني مسلا خمسة جنيه مسلا! طب كويس جدا يبقى انت قسم خطابك على التلاتين يوم وتوصل الى الله ان ربنا يكفلك هذا الشهر بقى ان شاء الله بازن الله. تشوف اي افطارات جماعية وتفوز بسواب تفطير الصائمين - 00:21:33

يعني احنا دلوقتي في رمضان الجزء بتاع اليوم طبعا حاول انا نصيحتي لكم من الاخر يا جماعة لو انتم عايزين الكلام من الاخر اسمع شرح الجزء الحد. انا بالنسبة لي شرحت الجزء في سلسلة - 00:21:53

الطريقة للقرآن وختم التعارف الشيخ احمد جلال شرح الجزء في سلسلة برضه من حوالي رمضانين كده دور على حد شرح السلسلة الجزء واسمعوا مع انك هتقراه بالنهار بقى بتركيز مع انك هتصلي به التراويح ما عدش هيبقى سورة المائدة بالنسبة لك طلاس ولا سورة النساء بالنسبة لك ما انتاش فاهم اصلا والاية دي جت منين وانا طلعت منين ولا انت - 00:22:03

اصلا سورة التوبة دي بتتكلم على ايه؟ ولا انت والله العظيم اخ مرة ادبت خطبة جمعة عن سورة البقرة والاعجاز في ترابطها. خرج يقول لي يا اخي ده انا بعد كده - 00:22:23

ان شاء الله هقراها بقى في الورد. قلت له هو انتم هو انتم كنت بتعمل ايه؟ قال لي انا عمري ما قرئت سورة البقرة اصلا انا لما باختم

المصحف هاقوم داخل على ال عمران على طول. البقرة ما وراهاش اصلا. باقول له ليه - [00:22:33](#)

اللي مش فاهم فيها حاجة. يا نهار ابيض! بدل بقى الامية بتاعة السبع الطوال والصور المدنية الحق الفرصة. اكس الفرصة نحن في فرصة جبارة وفي فرصة عظيمة من اجل ان نصل الى الله. واللي عايز يتابع معنا في خط السير ان شاء الله بعد التراويح كل يوم.

هدي السلسلة بتاعة رمضان بدون كرمبات. السلسلة اللي هي بتدي - [00:22:43](#)

خط السير اللي هنقف فيها اول مرة مع ايه اهدافك في رمضان اصلا قبل ما تقول ايه طريقك في رمضان؟ شوية حاجات جميلة كده

وتدريبيه. انت نفسك عقليتك هتتعلم بعد كده - [00:23:03](#)

ازاي انت تحط خطة وازاي انت تتعلم خط سير الدعوة الى الله العبادة البرنامج الاربع حاجات اللي قلتهم لكم دول اساسيات زائد

الانطلاق في الدعوة ايديك وسنانك في بيتك مع ولادك مع اعمل مقراًة مع ولادك في البيت. اعملي مقراًة مع بناتك في البيت. اعمل

مقراًة مع مراتك في البيت. يا اخواننا - [00:23:13](#)

فرصة جميلة والاعمال البسيطة هي اللي بتدوم. وهي اللي بتجيب نتيجة بعد كده. ما تكلفش نفسك حاجات كتيرة. ولكن افهم انك

انت مسئول عن نفسك ومسؤول عن الامة كلها انا شايف شباب كتير جدا نفسهم يرجعوا لربنا في رمضان ده. عايزين رمضان ده يبقى

فعلا ريمونتادا كده زي ما انت بتقول فعلا يبقى هجمة مرتدة. فعلا يبقى عودة. عايزين كل - [00:23:33](#)

كل الشباب دول ييجوا يصلوا معنا. انا ببص في الشوش حاجة جميلة والله. شيخ بشمهندس محمد زي الورد ووشه زي القمر ما شاء

الله والشيخ احمد بهجت. الدنيا جميلة والله - [00:23:53](#)

طيب استاز ياسر على راسي ودكتور ابراهيم انتم ما شاء الله كلام جميل. فين الشباب يا جماعة؟ ده والله ده حاجة في وشنا عيب

اصلا. فين الشباب يا شيخ - [00:24:03](#)

فين الشباب يا شيخ محمود؟ فين الشباب يا شيخ وليد؟ الشباب فين؟ كل واحد جاي وهو مفكر في نفسه بس. هو يفكر في نفسه

بس. يا عم كنت هات لك واحد بس وانت جاي - [00:24:13](#)

والله الناس قاعدة على القهاوي ما لاقية حد يقول لها تعالي. ما لاقية حد يقول لها بس اتقوا الله ويذكرها ويضحك معها كده ويديها

بامبوناية هدية ولا تمراية هدية ولا اي حاجة هتفرق كتير. انت ممكن تفرق كتير اوي. مع ناس كتير عايزة تقرب من ربنا. ربنا يوفقكم.

ربنا يبارك فيكم. ربنا يحفظ عليكم نعمه. ربنا يبارك لنا في رمضان - [00:24:23](#)

ربنا يبارك لنا في نهاره وليله يا رب. ربنا يملأ رمضان هذا بالبركة تبارك وتعالى. ربنا يجعل رمضان هذا خير رمضان مر علينا في حياتنا

ربنا يستعملنا فيه في كل طاعة يرضى بها عنا. ربنا يستعملنا فيه في العبادة وفهم القرآن وتلاوة القرآن والدعوة الى الله. والاعمال

الخيرية - [00:24:43](#)

ربنا يستعملنا في الاعتكاف. وفي العمل الصالح والمكث في المساجد في العبادة. ربنا يجعله رمضان مبارك ميسر. متقبل موفق بازن

الله سبحانه وتعالى ونتقابل واحنا بنشجع بعض في رمضان كده. نتقابل بعد رمضان في اي صلاة عيد بقى نبقي بنصلي فيها ان شاء

الله بازن الله. ونبقى فرحانين - [00:25:03](#)

ان فيه ثلاثين يوم من حياتنا ربنا ما لهم بالخير وملاهم بالبركة. وكان فعلا قنطرة وكان فعلا نقلة من نقلات حياتنا بس نحط خطة

ونتعامل ببساطة والله الموفق سبحانه اللهم وبحمدك اشهد ان لا اله الا انت استغفرك - [00:25:23](#)